

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第三六四號

據

清·趙炳然等修，徐行德等纂
清嘉慶十八年修 民國二十六年鉛字重印本


影印

四川省

納谿縣志

(全)

成文出版社有限公司印行



k29
H89
1364

sk 53/100

納谿縣志

中華民國廿六年五月

瀘縣文源印刷社承印

docsriver 文川网
入驻商家 古籍书城

在文川网搜索古籍书城 获取更多电子书

重印納谿縣志序

噫吁嘻危乎難哉吾納谿之縣志也縣之志創於清代康熙間自嘉慶十八年經前賢續修迄今垂百三十餘年雖先輩士大夫哲人君子或限於財力而未能編纂或一提倡而中止扼腕者指不勝屈在疆域之割裂川流之遷變城市之更張猶有可攷而中間賢人典籍不知湮沒幾何昔孔子云夏禮能言杞不足徵殷禮能言宋不足徵竄其然也邑之文獻其不足徵與而代亦有之其足徵與而世久失之千鈞一髮可爲浩歎者也前知事顧聯甲與議長馮文璧籌款重印一百部然事越十餘年存諸士大夫家者業已無幾今李公海一吏茲土刷新政治於百廢俱興之餘談及縣志搜尋弗獲慨喟殊深於是信法團機關之謬薦聘務伯長文獻自慚才薄堅卻不能勉力從公如以蚊負山以蠡測海偏訪窮搜僅覓得舊志一部倚爲根據餘皆殘缺不齊嗚呼吾邑之志危乎其難洵不誣也况改

革以後國家多故內憂外患紛至沓來乾旱之災連年見告民困輸將籌金匪易若欲以無窮事業責諸一人義務冀志有成吾未能信此所以歎危乎其難矣嗟予不敏行年六十有六兢兢業業恐采訪編纂未竟廢於半途後日並此舊志俱失雖有絕大聰明學識才能無從着手不幾乎吾納成爲化外之境乎以故呈准縣府酌撥洋重印略爲存廢增新作圖與詩以待後之筆削者若夫成功則天矣

知納谿縣縣長四川安岳縣李海一謹識

納谿縣文獻委員會委員長丁務伯撰

民國二十五年歲次丙子季冬月中浣穀旦

序

縣之有志猶國之有史也國史紀其大薈萃天下郡邑所獻而擇之精縣則尤在紀載之詳實用以上資史擇信今而得後者也納谿雖蕞爾邑本漢江陽地肇域于宋上通黔滇下達瀘渝賢士大夫往來轍跡之區亘千百年寧無名流古蹟備太史詢方觀風珥筆而書之者烟下車後歷覽山川問其遺風舊俗茫然莫對卽有知者亦語焉而弗詳退而考之縣志多出抄本缺略不全繼得舊刻閱之斷簡殘篇侵銷腐蠹寥落徒存會時修全蜀省志大府檄飭各州縣編輯彙上因與邑中紳士及諸父老建議重修拾遺補闕別類分門搜羅務得具詳參訂必歸諸實于是咸樂從事鳩工鉅梓越數月而告成雖踵事增華有待後之君子而嚶今證古已覺釐然可考或顯名于朝廷或立德于鄉黨或守貞于閨閣或隱逸于林泉極之名山佳水之勝昆蟲草木之奇皆可資其博識庶使一邑之士俯仰討

論于其際接武往昔扶進來茲聞其風者僉曰某也忠某也孝某也生于斯某也長于斯莫不觀感而興以樂

聖天子作人雅化而潤色鴻業以鳴

盤世之休是編所載未始非此邦風教振起之所系也爰修輯之以貢獻軒之採焉是爲序

嘉慶十八年歲次癸酉孟冬月上澣納谿縣知縣安城趙炳然謹

納谿縣舊志序

夫縣附於州者也顧安得而有志哉虞夏分天下爲十二州秦分天下爲三十六郡凡爲府爲縣共在州之中郡之內而同此分野同此疆域區區小邑顧安得而有志哉雖然天光下臨地德上載卽尺土寸地莫不有星辰以臨之莫不有以人物以生之莫不有田土賦役以理之而山川之異勢風土之異宜其大較矣夫五六十里尙在子男之邦况家且有譜而邑又烏得無志乎余膺

天子命來宰茲土見夫荆榛滿目人民星散房舍無存幸各上憲諸事寬假乃一面修理居住一面勸諭招徠三年於茲視從前之荒煙蔓草不啻倍蓰矣今逢

聖朝定鼎四十餘年凡遐陬荒澁莫不淪肌浹髓共安於高天厚地之中而猶慮僻壤遐荒形勢風俗未能周知

特命各省州縣編修志書嗟乎納邑遭兵燹後舊譜無存而老成又皆物故雖極力搜羅孰從而求之卽耆英父老之耳聞口授則又無徵不信延及數月卒無所獲遲之又久恐干

功令因而會集儒生故老廣覽全書博採總志彙成一帙雖山川如故景物蕭條戶口賦役僅存什一於千百然揆之率土之義斷不以寥寥數葉因狹小之區而棄之也至於留心生聚教養要諸久道化成以無負聖天子仁育羣生之德者是所望於後之君子

崑

康熙二十五年歲次丙寅孟冬月穀旦納谿縣知縣王帝臣撰

納谿縣舊志後序

納谿最爾區也地夾兩江上通滇黔下達吳楚爲水陸之要衝其繁劇較他邑尤甚而壤地褊小人民寡弱猶不及鉅邑之一卿然往來供應或無虛日古云邑小事繁殆此之謂云余猥任茲土視此荒涼疾首痛心惟夙夜競業仰體

皇上子惠元元之至意恪遵上憲休息愛養之深仁因略其小節舉其宏綱去繁尚簡革弊生財迄今五載風景一新康熙五十二年五月內

欽使采畫輿圖查取府縣舊志以備參考嗟乎夫蜀古稱山水之勝上地之富人物之盛者也納雖小邑豈無圖籍斐然可觀自明季遭流寇兵燹以後盡爲灰燼蕩然無纖悉之遺惟前令王帝臣於康熙二十五年間稽覈搜訪手錄數篇不過彼時概略而已猶屬草創也經今三十餘年相繼令茲土者或以才獻著譽或以清白馳聲或來障功高或撫巡績茂目今

疆域山川雖然如故而城池人物迥異從前田土荆榛而漸禾黍矣人民寥落而漸浩壤矣舊在千遺稍有盈寧之慶新來兆庶竟多樂土之歌戶口日增賦額日益營建陸續以興貨物零星而聚更絃誦之聲時聞綠野揖讓之節亦見黃童將來科名甲第佇見聯翩鵠起駸駸乎非復向時之蕭條鄙陋矣政教不同景物各異詎可仍襲舊編而蹈欺慢之罪爰集紳衿耆庶共相討論因其數篇而紹續之并將數十年來所出之人物與新增之戶口糧賦皆備載焉則有關於法戒者而嚴加筆削焉昔日之所無今日有之不爲無據昔日之所有今日無之未嘗失真中間有因有革有損有益裁成潤色彙集成書當卽繕寫呈繳今閱二年捐俸付梓以垂永久俾觀風者撫志而稽與身歷者無異也至若陵遷谷變人物未臻於全盛習染澆漓風俗未還於淳古是余之咎也敢不益勵前修盡心力於乃民哉尤望後之君子轉移獎勵無忝風教之責成邑之人士易轍改弦共

追前代之懿美庶幾無負此志云

峕

康熙五十四年歲次乙未仲秋月望日納谿縣知縣蔡璉撰

內
卷
五

緬甸縣志

卷之一

納谿縣舊志後跋

志也者非徒侈誇美紀名勝之謂也蓋以示勸懲昭法守之謂也况當喪亂之餘其湮沒而不彰不知凡幾欲求當日之創者何人繼者誰氏孰者可以革代無弊孰者可以隨時改移又何從而知之哉如納邑之地與隣邑犬牙交錯零星湊集不過五六十里而又差繁賦重水陸交衝常有土無民之日其為隣封之竊據或奸民之避重就輕乘機以報入隣封者其大段已非昔時之納邑矣若寸寸而誌之又孰從而誌之也哉康熙五十二年夏

欽差來蜀飭取各府州縣輿圖志書邑侯蔡公乃會集邑紳耆老以前縣王公所錄之志半存其名而又今非昔比未可因仍簡陋責余以重修之命嗟乎余何人哉而敢當茲以貽笑大方耶雖然公命亦安敢辭於是揣固陋商之同人共相參訂考其信而闕其疑稽其典物因其名而求其

實則於亦未敢或後也越月兩脫稿而後成斯豈鹵莽滅裂以應公命耶
蓋凡事無關於王道物無益於民生者君子弗道焉寸地皆覆於天則星
野可誌也是物皆載於地則地理可誌也城垣之廣狹公署之興廢黉宮
爲學校之本祠宇爲禱祀之地數百年來令斯土者或爲創或爲守要皆
有功德於斯邑奈何世遠人亡卽石碣亦且鎖鏤泯沒可勝歎哉蓋前者
古之今今者後之古誌名宦所以勸將來也科第人才亦山川之毓秀教
化所栽培誌鄉賢所以勵後生也若夫忠孝節烈何地無人或閭里不以
聞當事未旌獎使純風勁節滅沒不傳亦有舉孝爲辱不欲使人知之如
梁之吉勳其人者亦不乏也故紀節孝所以勸風俗也乃若緇流隱逸雖
獨善其身無濟於世而清潔之操亦可以風至於橋梁驛站悉縣之大政
祭祀禮儀乃

國之鉅典財賦之日闢戶口之日增皆司牧者之留心國計民生雖全額

闕如而現在者亦何可不誌皆法之所當守者也故曰志也者非徒侈誇
美紀名勝之謂也所以示勸懲昭法守之謂也姑述其意以備後之重修
斯志者之採擇焉

皆

康熙五十四年歲次乙未仲秋月穀旦邑貢生蕭問松謹書

docsriver 文川网
入驻商家 古籍书城

在文川网搜索古籍书城 获取更多电子书

續
縣
志

卷之二

納谿縣志

總纂

納谿

縣

知

縣趙炳然

安徽桐城人

納谿

縣

知

縣陳廷鈺

山東濰縣人

協修

納谿

縣

教

諭徐行德

開縣人

納谿

縣

訓

導張學經

渠縣人

雲溪

書

院

山

長劉人文

江西安縣人

協理

納谿

縣

典

史魯景春

順天大興縣人

分校

癸酉

科

拔

貢吳澍元

以下供邑人

生孫 蘭

生黃 雯

生張 雲龍

員王 細

監理局務

生皮 超

人曾 霽川

生吳 之昇

分探

生宋 昇

員郭 有基

員蕭 德榮

貢 廩 增 生

武 邑 監

廩 生 生

生 武 武

員吳綬卿

生劉文陞

生陳章

解 寒 鼎 記 卷 之 一

納谿縣志

凡例

一納谿舊志自康熙二十五年迄五十四年經前令兩次修輯不過舉其大概日久摧殘茲復網羅放失折衷於省志州志研究夫山經水經無者既備略者始詳一邑勝事差爲明備

一天文星野昔皆約略數語圖象闕如今特考校諸書將分野星圖分野星歌羅列具載悉以通志爲斷

一官署城池祠廟祀典邑之要務其引證考據必註明見某史見某志並壇廟祭儀一一詳載因流溯源非同臆撰

一地理輿圖按諸前志率多遺漏茲集所載山川關隘津梁場鎮以及冢墓各條凡疆域所有者均照道路遠近分別紀註覽者自可瞭如指掌

一志有田賦關國儲而係民瘼此食貨居八政之首周禮有九賦之式也納邑條糧千有餘金不過中縣之一耳而寬大之政時沛

恩膏自康熙年間永不加賦今卽戶口浩繁人樂輸將然則官斯土者上以富國下以富民其道莫先於此

一學校之設下邑小縣例得建立爨序釋菜以奠

先師明倫以敦士習所爲登斯民於仁讓之途者匪獨由士希賢已也邑中講習有地鎮廩相資方與都人士觀一道同風之盛如謂衆人之母能食而不能教亦殊負苦心也茲將源流教澤備書於篇以爲有志者勗

一名宦鄉賢忠臣義士其曾經題請者固按年代敘入至節孝貞烈或舊志所載一體臚列或潛德幽光近時舉報亦必共知共見確鑿可憑方爲名實相副否則寧從略焉毋敢濫也

一防禦兵制爲

國家奠苞桑卽爲納邑固磐石所以修武備也至驛傳舖遞納於明時馬驛有一水驛有三迨我

朝承平日久奉裁已多而塘汎所轄猶存九舖蓋地當孔道資遞送以嚴巡緝事有專責茲載入文秩武秩之後重所司也

一藝文一集自青蓮升菴阮亭而下連篇累牘美不勝收其間惟丹崖題詠唱和較多然實有功斯邑故備載以著循勞外此則時賢良吏事關風教亦間登數什而卷末則附以雜識外紀遵省式循志例也

一邑志與國史其名雖殊其義則同按史記儒林貨殖等傳首必冠以小序今倣其例分門別類弁數言於前記事提要亦發凡起例之意

一是書稿本前署縣陳公同邑紳編纂修輯未及鐫板以瓜期相代而去茲復重加校訂付諸剞劂庶燦然明備不同典籍消磨則斯編也

固以標雲溪之勝亦卽成先事之美云

一刊刻斯志工竣卽飭裝演成帙凡陽羅襄事者各授一册將來傳後
行遠家有全書卽掌故所爲寄也後之君子庶得資而考焉

安城 炳然再識

納谿縣志目錄

卷一

序

姓氏

凡例

目錄

星野志

分野

星圖

諸圖表

卷二

建置志

沿革

城池

街巷

坊碑

公署

祠廟

祀典

祭文 附

卷三

疆域志

界至

形勢

山川 灘險 水利 關隘 場鎮 寨壩 津梁 寺觀 墓塚 古蹟 物產 金石附

內

卷

系

目

錄

目

十三

docsriver 文川网
入驻商家 古籍书城

在文川网搜索古籍书城 获取更多电子书

卷四

田賦志

賦額

歲支

戶口

倉儲

蠲政

鹽法

卷五

學校志

學宮

宸翰

卷六

風俗志

士習

農桑

商賈

冠婚

喪祭

祀位

廟號

學額

書院

教澤